



Gloria in excelsis Deo. Et in terra pax hominibus bona voluntatis. Laudamus te. Benedicimus te. Adoramus te. Glorificamus te. Gratias agimus tibi propter magnam gloriam tuam. Domine Deus Rex caelis, Deus Pater omnipotens. Domine fili unigenite Iesu Christe. Domine Deus, Agnus Dei, Filius Patris. Qui tollis peccata mundi, misere nos. Qui tollis peccata mundi, suscipe deprecationem nostram. Qui sedes ad dexteram Patris, misere nobis. Quoniam tu solus Sanctus. Tu solus Dominus. Tu solus Altissimus, JESU Christe. Cum sancto Spiritu in gloria Dei Patris. Amen.

Sacerdos offerens Hostiam super Patenam, dicit:

Suscipe Sancte, Pater omnipotens, aeternae Deus, hanc immaculatam hostiam, quam ego indignus famulus tuus offero tibi Deo meo vivo, & vero, pro innumerabilibus peccatis, & offenditionibus, & negligentiis meis, & pro omnibus circumstantibus, sed & pro omnibus fidelibus Christianis vivis, atque defunctis: ut mihi, & illis proficiat ad salutem in vitam aeternam. Amen.

Accipiens Calicem offert, dicens:

Offerimus tibi, Domine, Calicem salutaris, tuam deprecantes clementiam, ut in conspectu divinae Majestatis tuae, pro nostra, & totius mundi salute cum odore suavitatis ascendat. Amen.

In spiritu humilitatis, & in animo contrito suscipiamur a te, Domine, & sic fiat sacrificium nostrum in conspectu tuo hodie, ut placeat tibi, Domine Deus.

Veni, Sanctificator omnipotens aeternae Deus: & bene ✕ dic hoc sacrificium tuo sancto nomini preparatum.

Suscipe, sancta Trinitas, hanc oblationem, quam tibi offerimus ob memoriam Passionis, Resur-

rectionis, & Ascensionis Iesu Christi Domini nostri: & in honorem beatæ Mariae semper Virginis, & beati Joannis Baptista, & Sanctorum Apostolorum Petri, & Pauli, & istorum, & omnium Sanctorum: ut illis proficiat ad honorem, nobis autem ad salutem: & illi pro nobis intercedere dignentur in celis, quorum memoriam agimus in terris. Per eundem Christum Dominum nostrum. Amen.

Accipiendo in manu Hostiam, dicit:
Qui pridie quam pateretur, accepit panem in sanctas, ac venerabiles manus suis: & elevatis oculis in celum ad te Ieum Patrem suum omnipotentem, tibi gratias agens, bene ✕ dixit, frexit, deditque discipulis suis, dicens: Accipite, & manducate ex hoc omnes:

Hoc est enim Corpus meum.
Simili modo postquam coenatum est, accipiens & huic præclarum Calicem in sanctas, ac venerabiles manus suas: item tibi graias agens, bene ✕ dixit, deditque discipulis suis, dicens: Accipite, & bibite ex eo omnes:
Hic est enim Calix Sanguinis mei,
novi, & aeterni testamenti: mysterium fidei: qui pro vobis, & pro multis effundetur in peccatorum.

Hec quotiescumque feceritis, in mei memoriam facietis.

Credo in unum Deum, Patrem omnipotentem, factorem celi, & terræ, visibilium omnium, & invisibilium. Et in unum Dominum Iesum Christum, Filium Dei unigenitum. Et ex Patre natum ante omnia saecula. Deum de Deo, lumen de lumine, Deum verum de Deo vero. Genitum non factum, consubstantiale Patri: per quem omnia facta sunt. Qui propter nos homines, & propter nostram salutem descendit de celis. Et incarnatus est de Spiritu sancto ex Maria Virgine, & homo factus est. Crucifixus etiam pro nobis, sub Pontio Pilato passus, & sepultus est. Et resurrexit tertia die, secundum scripturas. Et ascendit in celum, sedet ad dexteram Patris. Et iterum venturus est cum gloria, judicare vivos, & mortuos: cuius regni non erit finis. Et in Spiritum Sanctum Dominum, & vivificantem: qui ex Patre, Filioque procedit. Qui cum Patre, & Filio simul adoratur, & conglorificatur: qui locutus est per Prophetas. Et unam sanctam Catholicam, & Apostolicam Ecclesiam. Confiteor unum baptisma in remissionem peccatorum. Et expecto resurrectionem mortuorum. Et vitam venturi saeculi. Amen.

In fine Missæ ante Benedictionem.

Placeat tibi, Sancta Trinitas, obsequium servitutis meæ, & præsta, ut sacrificium, quod oculis tuae Majestatis indignus obtuli, tibi sit acceptabile, mihique, & omnibus, pro quibus illud obtuli, sit, te miserante, propitiabile. Per Christum Dominum nostrum. Amen.

Fran. Asenfo sculp.